

**Gorreoù :** Degas 'reomp da soñj ag ho marv,  
Aotrou Krist savet da vev,  
Ha gortoz a reomp ho tistro.

**Hon Tad :** hag a zo en neañv, hoc'h anv ra vo santelaet, Ho rouantelezh degaset deomp, Ho vennantez ra vo graet àr an douar 'vel an neañv.  
Roit deomp hiriv hor bara pemdeziek, Pardonit deomp hor pec'hedoù, 'vel ma pardonomp d'ar re o deus pec'hed doc'homp, Ha n'hon laosket ket da gouezh en tantasion, Met hon diwallit doc'h an droug.

*Ar beleg :* *Plijet geneoc'h, Aotrou Doue, ... ha distro hor Salver Jezuz-Krist :*

**R/ :** Rak deoc'h-C'hwi, Aotrou Doue, emañ ar Rouantelezh hag ar gloar a-holl-viskoazh da virviken. Amen.

**Oan Doue :**

**Oan Doue a lam pec'hedoù ar bed : ho pet truez doc'homp ! (bis)**  
**Roit deomp ar peoc'h !**

**Kent ar gomunion :**

*Ar beleg :* *Setu Oan Doue, setu an Hini a lam pec'hed ar bed :*  
Eürus ar re a zo galvet da bred santel an Oan.

**R/ :** Man Doue, ned on ket dign ma tait davedon,  
met lârit ur ger hepken hag e vo aeset din.

**Komunion :**

**Diskan :** Karit ho preuder, hag e vin geneoc'h.

- 1 Me eo 'r bara daet ag en neñv. (2w)      4 Ma chom ma c'homzoù bev ennoc'h. (2w)  
Neb a gred ennon 'deus ar vuhez.      Goulennit get feiz, roet e vo deoc'h.
- 2 C'hwi holl a zo skuizh ha sammet. (2w)      5 'Vel m'en deus an Tad Ma c'haret, (2w)  
Dait ha Me 'roay doc'h nerzh ha kalon.      'Vel-se ivez am eus ho karet.
- 3 Dait, c'hwi a glask ar wirionez, (2w)      6 Me eo 'r vuhez, ar wirionez, (2w)  
Ma c'homzoù 'zo spered ha buhez.      An Hent ho kaso betek an Tad..

**Veit kloziñ an oberenn**

*Ar beleg :* *An Aotrou Doue geneoc'h :*      **R/ :** Ha get ho spered !

*Ar beleg :* *Doue hollgelloudek d'ho pennigiñ :*  
*An Tad, ar Mab hag ar Spered Santel.*      **R/ :** Amen !

*Ar beleg :* *Kerzhit e peoc'h hor Salver :*      **R/ :** Bennozh da Zoue !

**Kan-dibenn :**

Rouanez an neañv, kemerit joe,  
**Allelouia ! Allelouia !**  
Rak ar frouezh ag ho tigostez  
**Allelouia ! Allelouia !**

Deoc'h, Gwerc'hez, joe ha levezenez,  
**Allelouia ! Allelouia !**  
Jezuz 'zo savet ag ar bez,  
**Allelouia ! Allelouia !**

A zo savet bev ag ar bez,  
**Allelouia ! Allelouia !**  
Pedit 'eidomp an Aotrou Doue,  
**Allelouia ! Allelouia !**

**Parrez Ker Anna**

**6<sup>vet</sup> Sul Fask**

*5 a viz Mae 2024*

**« En em garet an eil egile »**

**Kan digor :**

Spered Santel, dait, ni ho ped,	Degasit, man Doue, ho Spered,
E kalonoù ho fideled,	Hag, en holl vroioù ag ar bed,
Ha dalc'hit bev enne bemdez	Getañ pep tra en do buhez,
An tan-flamm ag ho karantez.	Pep tra a vo graet a-nevez.
Dre ho Spered, an disipled	
'Zo daet un deiz da vout parfet ;	
Drezañ deomp-ni roit gouiegezh	
Hag e pep tra koñfort ha peoc'h.	

**Salud d'ar bobl :**

*Ar beleg :* *Gras hor Salver Jezuz-Krist, karantez Doue an Tad*  
*hag unaniezh ar Spered Santel, ra vint geneoc'h-holl :*  
**Respont :** Ha get ho spered !

**Asperges: Allelouia !**

- |                                     |                                      |
|-------------------------------------|--------------------------------------|
| 1 Ha gwelet am eus an dour bev      | 3 Gwelet am eus ivez an Templ        |
| É strinkiñ a galon ar C'hrist !     | Digor da virviken d'an holl          |
| An holl re 'vo gwalc'het en dour-se | Ar C'hrist a zeu en-dro get trec'h,  |
| A vo salvet hag a gano :            | A ziskouez gouli e gostez.           |
| 2 Ha gwelet am eus ar vammenn       | 4 Gwelet am eus ivez ar Gomz         |
| É tont a vout ur stêr divent !      | É reiñ deomp peoc'h hon Aotrou Doue. |
| Ha bugale Doue, holl tolpet         | An holl re a gred en e anv           |
| 'Gane laouen a vout salvet :        | A vo salvet, hag e kanint :          |

**Gloria : (Guilloù) Gloria ! Gloria ! In excelsis Deo ! (2 wezh)**

Peoc'h àr an douar d'an dud karet getoñ ; Ho meuliñ a reomp. Ho trugarekaat a reomp. Hoc'h adoriñ a reomp. Enor deoc'h a ganomp ha mil bennozh aveit ho kloar hep par. Aotrou Doue, Roue an neañv, Doue an Tad hollgellougek.  
*Aotrou, Mab unganet, Salver Jezuz. Aotrou ha Doue, Mab an Tad. C'hwi hag a lam pec'hedoù ar bed, ho pet truez doc'homp. C'hwi hag a lam pec'hedoù ar bed, degemerit hor pedenn. C'hwi hag a zo azezet en tu dehoù d'an Tad, ho pet truez doc'homp.*

Rak C'hwi hepken a zo santel. C'hwi hepken a zo Mestr. C'hwi hepken a zo uhelmeurbet, Salver Jezuz, Get ar Spered Santel, e gloar Doue an Tad. Amen !

**Lennadenn getañ** : Lennadenn tennet a levr oberoù an Apostoled.

'Vel ma teue Pier tre e-barzh an ti, e yas Kornelioz en arbenn dezhañ, hag, é kouezhiñ doc'h e dreid, e stouas dirazañ. Met Pier a reas dezhañ sevel en ul lâret : « Sav ! Me ivez a zo den. » Ha Pier en em lakaas da gomz hag a lâras : « E gwirionez, gwelet a ran biskoazh sklaeroc'h ne ra Doue diforc'h ebet etre an dud, met e kement broad a zo an neb en douj hag a vev hervez ar reizhted a zo daet mat getañ. » E oa c'hoazh Pier é komz evel-se pa gouezhas ar Spered Santel àr holl ar re a oa é selaou ar Gomz. Hag e voe bamm et an holl grederion daet get Pier, yuzevion a orin an holl anezhe, é welet e oa bet skuilhet donezon ar Spered Santel àr dud ar broadoù ivez. Klevet e vezent é komz e parlantoù hag ec'h embann brasted Doue. Neuze e tisklerias Pier : « Daoust ma c'hell unan bennak nac'hiñ dour ar vadeziant d'ar re-mañ hag o deus resevet ar Spered Santel kenkoulz ha ni hon-unan ? » Hag e c'hourc'hemennas o badeziñ e anv Jezuz Krist. Neuze e c'houlennazont getañ chom gete un nebeut devezhioù.

Setu komz an Aotrou Doue : **Bennozh da Zoue !**

**Psalm 97** : Dirak ar broadoù en deus an Aotrou diskouezet e salvedigezh.

Kanit d'an Aotrou ur ganenn nevez,  
dre ma en deus graet burzhudoù.  
Gounidet en deus an trec'h get e zorn dehoù,  
ha get e vrec'h santel.

An Aotrou en deus diskouezet e salvedigezh,  
diskleriet en deus e reizhder d'an holl vroioù.  
Soñj en deus bet ag e vadelezh  
Hag ag e fealded e-keñver tiegezh Israel.

Gwelet o deus broioù pellañ an douar  
salvedigezh hon Doue.  
Youc'hit d'an Aotrou, c'hwi an holl douaroù,  
tridit get levezet ha kanit.

**Eil lennadenn** : Lennadenn tennet a lizher kentañ sant Yann

Ma re garet, en em garomp an eil egile : Peogwir e teua ar garantez a Zoue, ha peogwir kement hini en deus karantez a zo ganet a Zoue hag a anv Doue. An hini na gar ket, n'en deus ket anavet Doue, rak Doue a zo karantez. Ha setu penaos en deus en em ziskouezet karantez Doue en hor c'heñver : Doue en deus kaset e Vab unganet er bed, evit ma vevimp drezañ. En dra-se emañ e garantez : n'eo ket ni hon eus karet Doue, met Eñ eo en deus hor c'haret ha kaset e Vab da vout lazhet evit digoll hor pec'hedoù. Setu komz an Aotrou Doue : **Bennozh da Zoue !**

**Aviel** : Allelouia

Ar beleg : An Aotrou Doue geneoc'h : **R/ : Ha get ho spered.**  
Ar beleg : Lennadenn ag an Aviel santel hervez St Yehann.  
**R/ : Gloar deoc'h-Chwi, ô Aotrou Krist !**

En amzer-se e lâras Jezuz d'e zisiplad : « 'Vel ma en deus ma Zad ma c'haret, 'vel-se em eus ho karet me ivez. Chomit em c'harantez. Mar mirit man gourc'hemennoù e chomahet em c'harantez evel m'em eus-me miret gourc'hemennoù ma Zad ha ma choman en e garantez. An traoù-se am eus lâret deoc'h evit ma vo ma levezet ennoc'h ha ma vo leun ho levezet-c'hwi. Setu ma gourc'hemenn-me : En em garit an eil egile 'vel ma 'm eus ho karet. N'eus ket brasoc'h karantez evit reiñ e vuhez evit e vignoned. C'hwi eo ma mignoned mar grit ar pezh a c'hourc'hemennan-me deoc'h. Ne lâran ket ken serviterion ac'hanoc'h, rak ar servitour ne oui ket petra 'ra e vestr ; mignoned a lâran ac'hanoc'h, rak rac'h ar pezh am eus klevet get ma Zad am eus roet deoc'h da c'houiet. N'eo ket c'hwi eo ho peus man dibabet ; me eo am eus ho tibabet hag ho savet e stad da vonet, da zougen frouezh ha ma chomo ho frouezh. Neuze, ma Zad a roay deoc'h em anv rac'h ar pezh a c'houlennahet getañ. Ar pezh a c'hourc'hemennan deoc'h enta a zo en em garet an eil egile. »

En dibenn : ar beleg : Setu Komz an Aotrou :

**R/ : Meuleudi deoc'h, ô Aotrou Krist !**

**Kredo** : Me 'gred e Doue, an Tad hollgelloudek, Kroueour an neañv hag an douar, hag e Jezuz-Krist, e Vab unganet, hon Aotrou, a zo bet koñsevet dre nerzh ar Spered Santel, ganet ag ar Werc'hez Vari, en deus gouzañvet dindan Poñs Pilat, a zo bet staget doc'h ar groaz, marvet ha bet lakaet er bez, diskennet d'an ifernioù, daet a varv da vev an drivet deiz, pignet d'an neañv, hag azezet en tu dehoù an Tad, a-eno e tay da varn ar re vev hag ar re varv. Me 'gred er Spered Santel, en Iliz santel katolik, e kumunded ar Sent, e pardon ar pec'hedoù, e adsav ar re varv, er vuhez peurbadus. Amen !

**Pedenn hollbedel** :

**Aotrou, hon Doue, ô Tad Santel, selaouit hor pedenn !**

**Lid ar profoù** : ar beleg : Pedit, mam breuder, ma plijo get Doue an Tad hollgelloudek degemer ma sakrifis a zo ivez ho hani-c'hwi :

**R/ : Plijet get Doue en degemer ag ho taouarn, aveit e c'hloar hag e veuleudi, aveit hor mad-ni hag hani an Iliz.**

**Prefas** :

Ar beleg : An Aotrou Doue geneoc'h :

**R/ : Ha get ho spered !**

Ar beleg : Hor c'halon d'an uhel :

**R/ : Emañ troet trema Doue !**

Ar beleg : Trugarekaomp hon Aotrou Doue :

**R/ : Just ha santel eo !**

**Santel** : Santel ! Santel ! Santel ! An Aotrou Doue, Mestr ar bed !

Lan eo get ho kloar an ne hag an douar : **Hosanna e lein an ne !**  
Benniget an hani a za e anv Doue : **Hosanna e lein an ne !**